

E s B r i c k l a i m S c h l o u ß .

---

A himmlblauer Riddersporn  
blijet zwischer hochn Groos,  
vor dunkla Mauern und Gebisch  
und Waagli voller Moos.

A Steebank und e runder Diesch  
stänn holbversteckt denaam  
und olles ringswerd iewerschatt  
vo die Kastaniabaam.

Blos Middooch, fellt en Augeblick  
e Sunnestrohl do nei-  
Groß ro und daucht den Riddersporn  
in hallstn Sunnaschei.

Dia Gartesteck. Des Gidderwark!  
Es Brickla und der Booch!  
Zwää weißä Antn und des Blau !  
Harrgott ! I kanns nit sooch.

Ob olla, die do hausn stänn  
der Riddersporn sou fräht,  
wia er do klee und himmlblau  
am Bachla drinna stät?

Es kummt aufs Licht ou, wie mersch sieht  
und mer muß nädder nou!  
Und nit blos bei salln Riddersporn!-  
Bei Ollem it des sou.